

南詔備考

卷四

南詔備考卷之四

原編古蹟夷種未經全備茲特詳加採錄以資考核

武林丁毓仁春崖纂訂

古蹟

王母坪

大理府城西北三里許點蒼山。觀音峰。按蒼山一名靈鷲山在大理府城西三里許自北而南綿亘百餘里高六十里橫列如

屏內抱如馳弓。卽漢書所謂邪龍雲南山
似扶風太乙之狀是也。山有十九峯。中一
峯爲中和。中和之北爲觀音。應樂雪人。蘭
峯。三陽。鶴雲。白雲。蓮花。五臺。蒼琅。雲弄。十
一峯。中和之南爲龍泉。玉局。馬龍。聖應。佛
頂。馬耳。斜陽。七峯。共十九峯。十九峯之下
有十八溪。中和峯爲中溪。中溪之北爲桃
溪。梅溪。隱仙。雙鷺。白石。靈泉。錦溪。芒湯。陽
溪。萬花。霞移。十一溪。中溪之南爲綠玉。龍
溪。青碧。莫殘。葶蕈。漠南。陽六溪。共十八溪。
左支約十餘畝。世傳王母曾降於此。明萬
曆年間建祠祀之。

碑記

襲王碑

雲南府省城十五里。碑文云。昆明隋西爨
王之墓碑。成都閬邱均撰文。蜀人賈餘綯
書丹。

鐵橋

麗江府城西北三百里。廢巨津州北一百
三十里。州本唐時羅婆九賧地。橋跨金沙
江。隋文帝開皇間所置。按唐德宗貞元十
年南詔王異牟尋

襲擊吐蕃戰於神川取
鐵橋等十六城卽此

盟石

澂江府城北二十里路旁。建寧國張樂進求欲讓國於蒙細奴邏。邏曰：「如果我應爲君斫石劍入斫之，劍果入石三寸，名曰盟石。」

古鏡州城

大理府雲南縣城西北十里。唐時所置。領夷郎等六縣。遺址尚存。

鳳凰臺

大理府浪穹縣北二百步，爲昔施浪詔施望欠築，下有白沙井，亦望欠鑿。

地符

趙州白崖石上有篆文，赤如丹砂。蒙氏以爲地符，禁人踐之。一云在今雲南縣西三里。

觀音大士石刻

永北廳城東石壁間。唐吳道子畫刻於此。

轆角莊

大理府城南二十里。南詔蒙閣邏鳳有女。欲爲擇配。女曰。擇配非天婚也。我欲倒坐牛背。任牛所之。不問貧富貴賤。牛入之家。則嫁之。鳳勉從其請。至一委巷。牛側其角而入。見一老嫗。問嫗有子否。曰。有一子。在樵矣。女卽拜嫗爲姑。嫁其子。令報鳳。鳳大

怒絕女。一日壻問女曰。首飾是何物所製。
女曰。金也。壻曰。吾樵處是物甚多。頃之載
歸。皆金也。女遂懇請讌。鳳凰使人難之曰。
汝能作金橋銀路。吾當來汝。女遂作以迎。
鳳凰曰。信天婚也。後名其地曰轆角莊。言
牛入隘巷。角如轆轤轉也。

蒙舍城

蒙化廳城北。唐元宗戊子。天寶七載。勅置。

陽瓜州於此封閣邏鳳之子鳳伽異爲勅
史。

德化碑

大理府城南太和村古城閣邏鳳叛唐歸
吐蕃立碑國門外明其不得已之故清平
官鄭回撰文流寓唐御史杜光庭書今剝
落矣。

雲南府省城

唐代宗乙巳永泰元年。鳳伽異築至明太
祖壬戌。洪武十五年。修周九里三分。高二
丈九尺二寸。共六門。南曰麗正門。樓曰近
日。大東門曰咸和。樓曰殷春。小東門曰敷
澤。樓曰壁光。北曰拱辰門。樓曰眺京。大西
門曰寶成。樓曰拓邊。小西門曰威遠。樓曰
康阜。

優曇花

雲南府省城土主廟。南詔蒙氏時。有僧菩
提巴波。一名大義法師。自天竺國來。以所
攜念珠九千種。左右樹高數丈。枝葉扶疎。
每歲四月。花開如蓮。有十二瓣。遇閏則多
一瓣。已枯。今甘公祠等處。尙有此種。

鹽井

滇中共四十處。惟楚雄府姚州之白井。楚
雄縣之黑井。琅井爲佳。蒙氏時。洞庭龍女。

牧羊於此。羊忽入地。掘之。鹽水出。故名白
羊井。今稱白井。若黑琅二井。因黑牛與狼
舐地知鹽。故名。以狼爲琅。取音同也。

神石

楚雄府南安州。石高十餘丈。土人每歲以
金箔貼其頂。有禱輒應。蒙異牟尋。封爲南
嶽。

穿心塔

雲南府省城外。官渡。昔有螺精爲患。建塔鎮之。市有碑。蒙氏摩訶羅嵯會盟立。

靈會寺

大理府城北喜洲院旁村。蒙氏征摩些渡金沙江。一木自水中逆流異而取之。造成千光如來佛。置於彼中。藍婆寺忽大雨。洩旬。村民烟火盡滅。惟此佛前燈不滅。軍中乃得火。因迎像還大理。建寺奉之。寺有古

梅一株。鐵幹橫撐。花千層如紅玉色。相傳亦蒙氏時所植。俗呼爲唐梅寺。

石佛

囉裏籠。卽今雲南府宜良縣崇真寺。蒙尋閣勸立。

五華樓

大理府城南門內。滇王蒙豐佑建。方廣五里。高百尺。上可容萬人。下可建五丈旗。蒙

古太弟忽必烈征大理。曾駐兵樓前。重修
後。遭兵火。始廢。今城中譙樓曰五華。殆存
其名。其廢址約在城之中央耳。

高河

一名
馮河

大理府點蒼山。玉局峯頂之南。世傳觀音
大士放黑龍於此。使春夏居溫湯。今龍尾
關西之
泉。秋冬居雪山。蒙豐佑遣軍將晟君。瀘山
爲池。導山泉洩流爲川。灌田數萬頃。民得

耕種之利。是名高河。一名馮河。巖壁聳峭。潭以石版。皆人力爲之者。潭深莫測。水面有落葉。鳥輒銜去。產菜莖紅葉綠。味甚辛香。五六月採之。名高河菜。不可多得。

香巖

點蒼山中和峯之半。其地草木土石皆香。相傳爲釋伽佛苦修之地。又名香石巖。

金馬碧雞

雲南府省城外二山。東爲金馬。西爲碧雞。
周時西天竺摩竭國阿育王生三子。長
福邦。次宏德。三至德。一名驃苴低王有神馬。其
色如金。三子爭欲得之。王令縱馬。以轡私
授至德。下令曰。能獲者與之。至德部衆追
至東山。以轡取得馬。至德卽止焉。故今名
山爲金馬。福邦宏德部衆繼往。聞至德已
得馬。二人乃屯於西山。時山有碧鳳。土人